



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

12. Ut Ecclesiastica beneficia sine diminutione conferantur

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

gitur Præfecta Monialium in discordia. *c. 43. de elect. in 6. §. sanè.* Omnium consensus absolute requiritur, dum potestas eligendi competens Capitulo in unum vel plures transferenda est per compromissum; si decernenda admissio Clericis extranei ad suffragium in electione ferendum; agatur de re ad omnes tamquam singulos proprio & patrimonii pertinente. *Reg. jur. 29. in 6. qua ita explicari debet, ne contraria sit c. ult. h. t.*

3. Casu quo major tantum suffragantium consensus sufficit, non officit hujus sufficientiæ, licet minor pars contradicat, nisi pars minor sanior esset; tunc enim opponere se ad impediendam executionem illius potest etiam unicus, modo afferat causam rationabilem, & hanc coram superiore Capituli & electis arbitris probet. *arg. c. 1. h. t. Schmalzgr. h. t. n. 31.*

TITULUS XII.

Ut Ecclesiastica Beneficia sine diminutione conferantur.

Q. 1. Quotupliciter contingere possit diminutio beneficiorum? *Resp.* Vel per unionem, membrationem, divisionem, & suppressionem de quibus ad *Tit. de Prab. dixi*, beneficia imminui possunt; vel per impositionem novi oneris, de qua imminutione hic agendum. Onus, quod imponi beneficio potest, duplex est, reale & persona-

sonale: *Reale*, dum pars aliqua reddituum subtra-
hitur, obligando beneficiatum, ut certam fructu-
um portionem alteri cuiquam quotannis, sive se-
mel pro semper solvat. *Personale* est, si obliga-
tur beneficiatus, ut v. g. deinceps scripturam vel
Jus Canonicum prælegat, Grammaticam doceat,
plura Sacra dicat, &c. Inter onera realia potissi-
mum *Pensio* reputatur, quæ est jus ex alterius be-
neficio fructus quosdam percipiendi: hæc est vel
Laicalis, Laicis vel Clericis propter obsequium
temporale dari solita, vel *spiritualis* vel *mixta*.
Imponi etiam potest pensio vel ipsi *beneficio*,
vel *beneficiato*. Is qui habet jus, fructus ex
alieno beneficio percipiendi, dicitur *pensiona-*
rius.

Q. 2. *Quis possit vel non possit pensionem aut
aliud onus reale beneficio imponere?* Resp. 1. Po-
test quidem S. Pontifex vi c. 2. de *Præb. in 6.* &
Clem. 1. ut *lit. pend.* nullus verò Episcopus aut
Collator Papâ inferior potest pensionem perpe-
tuam alteri Clerico solvendam, aut aliud onus rea-
le perpetuum ipsi beneficio imponere. c. *un. h. t.*
c. 7. de *cenfib.* Trid. *Sess. 25. c. 5. de ref.*

Resp. 2. Potest Episcopus justâ de causâ pen-
sionem temporalem moderatam ad vitam bene-
ficiati gravati, quocum extinguatur, impone-
re per c. 21. de *Præb.* Nec obstat Rubr. *hujus
tituli*, quia per impositionem talis pensionis
ipsum beneficium non gravatur. Valde autem
controversum est, utrùm ad vitam ipsius *pensio-*
narii duraturam pensionem Episcopus possit im-

ponere; affirmant tamen etiam id multi
 Pichl. *h. r. n. 3. exc. 5. de transact.* item ex parte
 cum dismembratione, quam & nos superius
Tit. de Prab. suppositis supponendis fieri posse
 Episcopo, diximus.

Resp. 3. Ut imponi possit dictis casibus
 Episcopo pensio, requiritur de jure, ut si bene-
 ficium sit plenum, consensus beneficiati. *Reg.*
Cancell 45. in fin. Ratio, quia beneficiato habet
 jus ad omnes fructus, invito ipso illud auferri
 non debet. 2. Si sit patronatum beneficium, con-
 sensus Patroni; prout habet *Leut. in p. 3. for. be-*
nes. q. 465. 3. Clerici Pensionarii obligatio est
 gestare habitum & tonsuram; & recitare officiu-
 um parvum B. V. Bulla Sixti V. 30. & Pii V. 71.
 Pro rata fructuum concurrere ad onera ferenda
Reg. 77. in 6.

Q. 3. An Episcopus vel alius Collator possit
 pro suis usibus applicare fructus obvenientes tem-
 pore vacantis beneficii? *Resp.* Neg. ratio, quia fru-
 ctus tempore vacationis obvenientes debent
 successori. *c. 9. de off. Ord. in 6. c. 11. de elect. in 1.*
 Per consuetudinem tamen aut Privilegium ac-
 ceptum posset Episcopus partem aliquam illor-
 um fructuum in usum NB. fabrica Ecclesie,
 aliamve necessitatem defalcare.

Q. 4. An Episcopus etiam imponere non possit
 onus personale beneficiato? *Resp.* Quod in ipsa be-
 neficii collatione tale onus imponi non possit,
 habetur tum ex rubr. & text. *h. t.* tum ex *c. 1. de*
de pact. Multi tamen AA. putant, posse bene-
 ficio

ficio ipsi adhuc vacanti imponi onus honestum cum consensu Capituli, ita ut beneficium postea conferendum unà cum onere ad successorem transeat. Vid. *Leur. For. benef. p. 2. q. 776. n. 2. & Pichl. h. n. 9.*

TITULUS. XIII.

De rebus Ecclesiæ alienandis, vel non.

Q 1. *Qua sit explicatio rubricæ tituli præsentis?*

Resp. 1. Nomine *Rei* generaliter loquendo varia venire possunt; sic aliæ sunt res *Corporales*, quæ sensibus externis subjiciuntur; aliæ *Incorporales*, quæ licet tribuant facultatem agendi, quod est sensibile, in se tamen sensibiles non sunt. *Corporales* sunt vel *mobiles*, quæ aut se ipsas connaturaliter de loco in locum movent, ut animalia; aut ab aliis absque læsione de loco in locum moveri possunt, ut vinum, &c. vel *immobiles*, quæ salvæ & integræ de loco in locum nequeunt moveri. *Actiones*, *obligationes* & *jura* accensentur vel *immobilius*, si his, vel *mobilibus*, si *mobilibus* adhæreant. Inter *mobiles* aliæ sunt *pretiosa*, quæ ratione pretii, antiquitatis, artis, in thesauro Ecclesiæ reputantur. Aliæ non *pretiosa*, quæ servatæ non conciliant specialem decorem. *Mobilius* aliæ possunt *servando servari*, aliæ non, uti vinum, oleum. De singulis procedit quæstio in seq.

Resp. 2. Nomine *Ecclesiæ*, quod in hac materia

E 5

teria